



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Prima Duo Sæcula Complectens

Fleury, Claude

August. Vind. [u.a.], 1758

VD18 13322648

§. 47. Tertullianus. Tractatus Ejus de Baptismo.

[urn:nbn:de:hbz:466:1-66002](#)

calumniatoribus fidem habuit; ipse nihil minus obtrestationis impatiens, Sæculum II.
 præterea veræ Philosophiæ, vitæque solitariæ jam pridem cupidus, frequentiæ se subduxit, multosque annos ruri in locis occultis, & desertis vixit. Interim calumniatores ejus criminis vindicta presso pede secuta est. Primum, cum parva scintilla per noctem, nemine causam perspiciente, delapsa domum indecisset, flammæ cum omnibus suis consumpsere. Alter tali, cui se devoverat, morbo a planta pedis usque ad verticem infectus contabuit. Tertius punientis Dei judicium reveritus, calumniæ crimén cum duobus complicibus perpetratum palam confitebatur, tanto dolore, & lacrymarum effusione, ut lumen oculorum amiserit. Narcisso igitur ultra Eus. VII. 10 non apparente, vicinarum Ecclesiarum Episcopis visum, alium Jerosolymæ constituere Episcopum; elegerunt ergo Dium, qui non diu seddit, habuitque successorem Germanionem, cui similiter viam omnis carnis ingresso successit Gordius.

§. XLVII.

Tertullianus. Tractatus ejus de Baptismo.

Ea tempestate Carthagine Quintus Septimus

Sæculum II. ptimius Florens Tertullianus, hoc ultimo nomine notissimus, Doctrinæ, & A. C. 197.

*Hier. de
Script.*

facundiæ laude florebat; natus erat Carthagine, Patre copiarum Proconsularium Centurione. Omnibus scientiis operam dedit cum plausu, omnesque coævos latinæ eloquentiæ fama superabat. Initio fuit Ethnicus, at postea con-

Hier. cont. *Jovin. c. 7.* versus, multa opera scripsit Ecclesiæ utilia, qualia sunt de pœnitentia, baptismo, & oratione. Juvenis, ut animum exhilararet, scripsit Tractatum de molestiis Matrimonii; attamen uxorem duxit, quod ex duobus libris uxori suæ nuncupatis appareret.

sup. l. 3.

c. 3.

c. 4.

Libro scribendo de Baptismo occasionem dedit fæmina nomine Quintilla, Cainitarum hæresi imbuta; Cainitæ ex Valentinianis pullularant, negabant necessitatem Baptismi, & ejus simplicitatem contemnebant. Hinc Tertullianus aquæ encomia profert; quod in prima rerum Genesi Spiritus S. ferretur super aquas. Ait, nihil differre, an quis in mari, stagno, fluvio, fonte, piscina, vel pelvi baptizetur; nec inter eos fuisse differentiam, qui a S. Joanne Baptista in Jordane, aut a S. Petro in Tiberi fuisserunt baptizati. Angelum sanctum Baptismo præsidere, nobisque ex aqua egredien-

gredientibus unctionem dari, unde Chri- Sæculum II.
stiani diceremur; tum nobis imponi ma- A. C. 197.
num cum benedictione, & invocatio-
ne Spiritus S. ubi Sacramentum Con-
firmationis denotat. Ait, ante descen-
sum Spiritus S. Apostolos tantum ba-
ptizasse Baptismo S. Joannis, ut ad Gra-
tiam præpararent; verum omnes Apo-
stolos fuisse baptizatos affirmat, quam-
vis Scriptura non nisi de S. Paulo id ex-
primat.

c. 5.

c. 7.

c. 8.

Necessitatem Baptismi in novo Te-
stamento probat ex JESU Christi præce-
pto: Ite, & baptizate; & ex commina- c. 13.
tione exclusionis a Regno Dei. Uni- Matt. 28.19.
cum esse Baptismum ait, sicut unum
Deum, & Ecclesiam unam. Tum sub-
dit: Examinari vero meretur, quid cir-
ca hæreticos observandum; nullam in
nostra Disciplina partem habent, nam
rescissio a communione testatur extraneos.
Nec habent eundem Deum, quem nos,
nec eundem Christum, ex quo sequitur,
nec habere eundem baptismum; sicut er-
go eorum baptismus legitimus non est,
ita absque omni dubio nullus est. Ter-
tullianus hic loquitur de sui temporis
hæreticis, quorum plerique alia baptis-
mi forma utebantur, aut aliter, quam
Catholici interpretabantur, nec eundem

Matt. 28.19.
Jo. 3.5.6.15*Hist. Eccles. Tom. I.*

Yy Pa-

Sæculum II. Patrem, nec Filium credentes. (*) Re-
A. C. 197. mittit Lectorem ad Tractatum de Ba-

c. 16.

ptismo, quem græce scripserat, nobis
autem non extat. Subjungit: Secun-
dum habemus Baptismum, sed unicum
sicut primum, nempe Baptismum san-
guinis.

c. 17.

Baptizandi munus Episcopo competit,
tum Presbyteris, & Diaconis jubente
Episcopo, ut ordo, & pax in Ecclesia
conservetur. Etiam Laici in casu ne-
cessitatis Baptismum conferre possunt, &
qui id facere neglexerit, reus erit rui-
næ hominis. Non facile Baptismum con-
ferendum, ait, sed pro dispositione, con-
ditione, ætate, Personarum præcipue in-
fantum esse differendum; vult, ut prius
satis instructi, baptizari petant. Paren-
tes lustricos non esse periculo exponen-
dos, ne susceptos morte sua destituant,
aut eorumdem prava indole decipiatur.
Hic notatur susceptoris usus, fi-
dem suam pro infante interponentis;
quodque hic Tertullianus affert in bono
sensu

c. 18.

(*) Hic non immerito Anonymus I. de ve-
ro sensu Fleurii dubitat, & afferit, Ecclesiam
nunquam declarasse, Hæretorum, qui in fide
de Sanctissima Trinitate errant, collatum ba-
ptismum esse nullum, sed tantum illorum, qui
in conferenda Baptismi forma errant.

sensu accipi potest, si verba de infantibus Paganorum, aut aliorum, quorum educatio periclitabatur, intelligas. Nec minus in Adultis necdum conjugatis Baptismum differendum putat, usque dum vel nubant, vel in continentia sint probati. Tum pergit: *Siquis Baptismi Dignitatem, & Præstantiam intelligat, hunc suscipere potius verebitur, quam differri.* Solemnis ad baptizandum dies est Pascha, & omne quod sequitur intervallum usque ad Pentecosten. Potest tamen Baptismus omni tempore, & hora conferri. Baptizandus multis orationibus, jejuniis, genuflexionibus, vigiliis, & omnium peccatorum suorum commissorum confessione se præparet; non modicam sibi fieri gratiam intelligat, si confessio peccatorum publica non requiratur.

c. 19.

c. 20.

§. XLVIII.

Tractatus Tertulliani de Pœnitentia.

In libro de Pœnitentia primo agit de hac virtute generaliter, aitque tam pœnit. pro peccatis corporis, quam mentis, actionis, & cogitationis vel voluntatis pœnitentiam esse necessariam; tum de pœnitentia loquens, qua ad Baptis-

Yy 2 mum